

heltiglich einen ernstern vnd krefftigen Eydt thun/zu Got vnd seinē heiligen Wort/ob einer oder mehr wider solchen Artickel oder Regiment thun/handelen oder stifften würde/der soll gestrafft werden/ nach laue der Ordinantz der Oberkeit vnd der Recht/vnd nicht ansehen Freundschaft/ Feindschaft/Sypschafft/Gnade/ Gunst/ Giffte oder Gaabe/ auch nicht rechnen altē haß oder neidt/sondern durch die drey Rechtlichen vnd vrtheilen/vnd gedencken/das Christus vnser lieber HERR/ am Jüngsten tage/wann er wirdt richten vber die zwölff geschlechte Israhel/vber ihre arme Seelen/auch Vrtheil sprechen wirdt, vber die/ so den Vbel nicht gestrafft/oder selbest gethan haben.

### Zum andern.

Sodann einer oder mehr befunden würden/die solchen Artickelß brieff nicht hielten/sondern durch verbrechung darwider handelten/onschew oder rewe/da soll der Proffoß achtung auff ihn habē/ vnd darzu beruffen seyn/das er solche Mißthäter gefenglich annimpt vnd wol bewaret/darnach alß baldt solches dem Oberstē anzeigen/was sie verwicket haben/vnd darneben bitte vnd anmanung thue/das der Oberste wolt die Gemeine des Volck auff einen nüchtern Morgen zu rechter/früer tagzeit zusammen kommen lassen. Es soll auch der Proffoß mehr gewalt vnd auffsehens haben/ als wo die Oberkeit selbest richtet/wo kein General proffoß ist.

### Zum dritten.

Item/Es soll auch der Proffoß keinen Gefangenen verkürzen/in keinerleyweise/ihm keine Klage oder antwort vor der gemein zusprechen verbieten oder verbieten lassen/vnd ob einer kundtschafft hette/die er genießen möcht zum Recht/soll man auch nicht verbiet / sondern sein bestes reden lassen/biß ihn das Zeugnuß vber trifft/damit keinem zu kurtz geschehe.

### Zum vierdten.

Wann die Gemeine bey einander ist/vnd der Ring geschlossen wirt/so soll der Proffoß den Gefangenen in Ring bringen/vnd dem gantzen Umstandt einen guten morgen wünschen/vnd ferner sprechen: Lieben/getrewen vnd redlichen Landtknechte/adel vnd vnadel/wie vns Gott zusammen gefüget hat/ ihr traget gut wissen/wie wir anfenglich zusammen geschworn/das wir wollen gut Regiment führen, dem Armen als dem Reichen/ dem reichen als dem Armen/ durch ordentliche recht das Vbel zu straffen / die wider vnser regiment thun/vund Todtbrüchig werden. Darumb lieben Landtknecht/ lieben Kriegßleut/ist mein begere vnd bitte/ihr wollet mir die heutigē tag helfen ein bes  
werb.